



UNIVERSITÄTS-
BIBLIOTHEK
PADERBORN

Regale Sacerdotium Romano Pontifici Assertum

Sfondrati, Celestino

[Sankt Gallen], 1684

§. II. Origo, Necessitas, Commoda & Incommoda Concilii Oecumenici & universalis.

[urn:nbn:de:hbz:466:1-63125](https://nbn-resolving.org/urn:nbn:de:hbz:466:1-63125)

§. II.

Origo, Necessitas, Commoda & Incommoda
Concilii Oecumenici & universalis.

Summaria.

1. Necessitas Conciliorum multis modis probata.
2. Eorumque Commoda.
3. Incommoda.

I.



Ocui Albertus Pighius de Hierarchia Ecclesiastica l. 6. Concilia universalis juris humani tantum esse, Bellarminus verò juris Divini. Nos Divino & Naturali jure Concilia aliqua instituta & præcepta esse credimus; sicut enim oportet esse Scandala & hæreses in Ecclesia Christi *Math. 18. ad Corinth. 1.* Ita oportuit judicium aliquod & cathedram constitui, ubi hæreses finirentur, & scandalis remedium esset; id vero in Conciliis præstat: quamvis enim summa decidendi auctoritas stet penès Pontificem, hic tamen nec debet, nec potest in causis fidei sententiam præcipitare, suoque judicio fidere tot morbis obnoxio, sed maximâ quâ potest industriâ multorumque consilio rem examinare, & tunc expletis omnibus diligentia humanæ numeris sententiam ferre, præsertim si Pontificis auctoritas ipsa impugnetur, ut in ultimis Lutheri & Calvini hæresibus, nunquam solus hæreticis fidem faciet, & ideo omnium sæculorum praxis habuit, ut in rebus arduis magnique momenti Concilia vocarentur, sanctique Patres eorum necessitatem sæpe testati sunt. S. Aug. lib. 4. contra duas epistolas Pelagianor. c. 12. S. Isidor. in præfat. Concil. Idem S. Aug. l. 1. de Bapt. contra Donatist. c. 18. S. Cyr. l. 2. epist. 1. ad Stephanum, & denique Concilium Tolet. XI. in ipsa præfatione, & habetur Tom. 3. Concilior. cujus necessitatis luculentum exemplum dedit Concilium Constantiense, quo 30. annorum schisma & summa rerum confusio tandem extincta est, nunquam extra Concilium extinguenda. Quod si Concilia sunt necessaria, hoc ipso erunt jure

jure Divino & Naturali instituta, quæ in necessariis non deficiunt. Ipse naturalis instinctus, cum in dubiis arduisque versamur, ad plurimum opem & consilia nos vertit, & imprudentiæ notaretur, qui sui fiducia solus nulloque comite viam multis periculis obsessam ingrederetur. Hoc ipsum docuit Innocentius in c. 3. d. 20. *Si omnibus inspectis, inquit, huius questionis qualitas non lucide investigatur, seniores provincias congrega, & eos interroga; facilius namque invenitur, quod à pluribus senioribus queritur; verus enim repromissor Dominus ait: Si duo vel tres ex vobis convenerint super terram in nomine meo, de omni re, quamcunque petierint, fiet illis à Patre meo.* Et Cælestinus III. c. 21. de Off. & Potest. *Jud. del. Illa fuit antiqua Apostolica sedis provisio, ut huiusmodi causarum recognitiones duobus quam uni, tribus quam duobus libentius delegaret, cum sicut canones attestantur, integrum sit iudicium quod plurimorum sententiis confirmatur.* In ipso homine natura senatum aliquem & synodum expressit, in qua sensus referunt, intellectus iudicat, voluntas imperat causamque decedit. Ipse DEUS cælo terræque conditis, ubi ad luminis creationem pervenit, rem videl tanti pretii tantique impendii, & DEO aliquando tot curas & negotia facturam, suffragiis velut in Concilio initis, *Faciamus, inquit, hominem ad imaginem & similitudinem nostram. Gen. 1.* Vide Ruper. in hunc locum.

In lege Mosaica decidendis gravissimis causis senatus quidam seu Concilium constitutum fuerat, quod Synedrion vel Sanedrim vocabant, constabatque septuaginta viris partim sacerdotibus, partim etiam ex quavis tribu, primariis viris, summo Pontifice omnibus præfidente. De quo vide Sigonium l. 6. de Rep. Heb. c. 7. In hoc Concilio jus & sententia illis causis dicebatur, quæ apud inferiores iudices finire non poterant, propositâ capitis pœnâ non parentibus. Dissidentibus iudicio & sacerdote, huius ultimum & præcipuum suffragium, immo iudicium erat, à quo appellari non poterat, ut habetur Deut. c. 21. v. 5. ubi: *Accedentque sacerdotes filii Levi, quos elegerit Dominus Deus tuus, ut ministrent ei, & ad verbum eorum omne negotium, & quidquid mundum vel immundum est, finiatur.* Et Deut. 17. v. 8. *Si difficile & ambiguum apud te iudicium esse perspexeris, inter sanguinem & sanguinem causam & causam, lepram & lepram, & iudicium intra portas tuas videris verba variari, surge & ascende ad locum, quem elegerit Dominus Deus tuus, veniesque ad sacerdotes Levitici generis, & ad iudicem, qui fuerit illo tempore, quæresque ab eis, qui indicabunt tibi iudicium*

verum

veritatem, & facies quodcunque dixerint, qui praesunt loco, quem elegerit Dominus, & docuerint te, sequerisque sententiam eorum, nec declinabis ad dextram neque ad sinistram: qui autem superbiaerit nolens obedire sacerdotis imperio, qui eo tempore ministrat Deo tuo, & Decreto iudicis, morietur homo ille. Ubi nota Abulensem ad hunc locum scribere, summum Pontificem vocari hic Judicem, quod ipse solus in Concilio, audito aliorum iudicio proferret sententiam: sic Caiphas in Christum Joan. 11. v. 50. Auanus Pontifex in Jacobum fratrem Domini sententiam dixit, teste Josepho lib. 20. c. 8. fuisse enim sacerdotes non in causis tantum sacris, sed etiam civilibus iudices, testantur Josephus l. 2. cont. Apionem. & disertè Ezech. c. 44. v. 24. ubi: Populum meum docebunt, quid sit inter sanctum & pollutum, & inter mundum & immundum ostendent eis; & cum fuerit controversia, stabunt in iudiciis meis, & iudicabunt.

Apud Romanos tanta fuit Augurum dignitas, (nam & ipsi sacraprocurabant) ut de illis Cicero l. 3. de Legib. Quaeque Augur injusta, nefasta, vitiosa, dira dixerit, irrita, infestaque sunt, quique non paruerit, capitale esto. Et idem Cicero pro domo sua ad Pontifices: Istos & religionibus Deorum & summae Republicae à Majoribus praefectos esse.

De Pontifice Maximo Romanorum Zosimus apud Thomam Dempsterum l. 3. Antiquit. c. 21. Unus Pontificum omnium supremus erat, qui & Maximus dicebatur, quod maximarum rerum, quae ad sacra & Religionem pertinent, iudex esset & vindex contumaciae privatorum & Magistratum. Festus etiam ait, Pontificem maximum iudicem, & arbitrum esse rerum divinarum atque humanarum. Haec Dempsterus.

De Gallorum Sacerdotibus, quos Druidas vocant, haec scribit Cæsar l. 6. belli Gallici, Illi rebus divinis intersunt, sacrificia publica & privata procurant, Religiones interpretantur, de omnibus ferè controversiis publicis privatisque constituunt: & si quod est admissum facinus, si caedes facta, si de hereditate, si de finibus controversia est, iidem decernunt; premia poenasque constituunt: si quis aut privatus aut publicus eorum decreto non stetit, sacrificiis interdiciunt: hac poena apud eos est gravissima: quibus ita interdictum, ii numero impiorum & sceleratorum habentur; iis omnes decedunt: aditum illorum sermonemque

nemoque defugiunt: neque iis petentibus jus redditur, neque honos ullus communicatur; His autem omnibus Druidibus praest unus, qui summam inter eos habet auctoritatem. In certo anni tempore in finibus Carnutum, qua regio totius Gallia media habetur, consistunt in loco consecrato: huc omnes undique, qui controversias habent, conveniunt, eorumque iudiciis decretisque parent; neque tributa una cum reliquis pendunt, omniumque rerum habent immunitatem, &c.

De Sacerdotibus Aegyptiis Strabo l. 17. de Meroitarum moribus: In Meroe olim primum oracem sacerdotes obtinebant, qui tantam auctoritatem habebant, ut nonnunquam misso nuntio mortem Regis imperarent, & pro eo alium faciebant.

Eadem ferè de Aegyptiis l. 14. Variar. 34. de Persis Eusebius in Chronico. De Atheniensibus & Aepagitis Josephus l. 14. Antiquit. c. 19. narrant.

Omnium ergo Gentium consensus hanc de rebus maximis iudicandi auctoritatem praestitit divinis sacerdotibus concessam, naturalis, non humani juris esse convincit; humanum enim jus variat, nec apud omnes est idem.

II. Et verò multa esse & magna, quae à Conciliis proveniunt bona, nemo inficias iverit; à pluribus oculis plura videntur; & quantum multitudo consilii & opinionibus secum pugnantis Republicae nocuit, tantum profuit unita, & in eundem finem conjuncta: hinc ab exordiis Ecclesiae, usque in hanc diem, Concilia saepe repetita haereses & schismata profligant, felici semper eventu, esto enim non semper devictis haereticis, at semper confirmatis Catholicis, munita veritate, paratisque contra serpentem lucem remediis, nam & medicinae pars & officium est secari, quod sanari non potest. Deinde vocatis ex toto orbe pastoribus, facile & in promptu est, quae singulis Provinciis conducatur primum scire, deinde etiam decernere, obfuturis utique remediis, si eadem singulis applicentur; nec enim quod Italiae, hoc Germaniae, hoc Galliae proderit, cum non minus varia sit morum quam corporum complexio. Denique ab omnibus statuta obstinatum etiam animum frangunt, facilius minorique verecundia omnibus cedentem quam paucis, aut saltem publico risui & indignationi exponunt, cum stultissimus sit, qui contra tam multos, tam magnos, tam sanctos sapientisque, & explicandae veritati à Deo ele-

182 Origo, necessitas, commoda, & incommoda

Et os sapere velit, idque contra expressam Evangelii doctrinam. *In ca-
thedra Moysi sederunt Principes & Pharisei, quæ erga dicunt facite,
quæ verò faciunt, facere nolite, &c. Matth. 23. Et: Qui vos audit,
me audit. Qui vos spernit, me spernit. Luc. 10.*

III. Sunt tamen conciliis sua etiam incommoda, præsertim cum
nimis frequentia: nec expediat semel decisa, & tot miraculorum, Mar-
tyrum, Confessorumque testimoniis confirmata in dubium iterum
& examen vocare, quo nomine non à SS. Patribus tantum, sed etiam
ethnics malè audit Constantius, inter quos Ammianus Marcellinus
lib. 21. hæc scribit: *Christianam Religionem absolutam, & simplicem
anle superstitione confundens: in qua scrutanda perplexus, quamquam
componendi gratiã excitavit dissidia plurima, quæ progrossa fusiis alius
concertatio verborum, ut ceteris Antistitum iumentis publicis ultro
cirroque discurrentibus per Synodos, quas appellant, dum ritum omnem
ad suum conatur trahere arbitrium, rei veltoularia succidat: nervos.*
V. Gregor. Nazianzen. epist. 55. ad Procopium, ubi scribit: *Nunquam
sine periculo & offensione sacerdotum haberi Conventus. Et in eadem
epistola: Ego, inquit, si vera dicere oportet, ita omnia Episcoporum
Concilia fugio, quoniam nullum Concilium finem letum, faustumque, nec
quod depulsionem malorum potius, quam accessionem & incrementum
habuerit, vidi. Axioma est Astronomicum, sed nec minus politicum:
Aduationem Planetarum nunquam fuisse bonam.*

Raro est multitudo sine opinionum varietate, & hæc sine discor-
dia, quæ in rebus fidei perniciosissima: cum fides nec opiniones, nec dubi-
um admittat. Quas turbas Basileense Concilium & Pisianum in Ec-
clesiam concitarunt? quot à Principibus, ab Episcopis, à bello, à peste
difficultates excitatæ? quot cum Regibus, & Imperatoribus susceptæ,
de loco, de modo, de translatione, concertationes, exitum in offensas
animorum, nisi prudentia & Deus præsertim obstitissent? & Concilia
tandem absolutis, quot iterum promulgationi objectæ remora, calum-
niæ, exceptiones? nec propterea tamen expugnata hæreses, sed potius
materia & occasio mendacis data, ut non immerito Clemens VII.
Carolo Imperatori Concilium urgenti rescripserit: *Maledictis Purpuræ
torum credidisse Concilium haud profuturum.* Profuit enim verò Con-
cilium, sed tot tantæque difficultates sunt illud comitata, ut planè appa-
ruerit, hoc remedium in extremas, & cum alia non superasti, conferen-
dum esse.

Aut digna sunt, quae in hancrem Martianus Imperator edicto suo inseruit, ad finem actionis tertiae Chalcedonensis Concilii: Vere impius atque sacrilegus est, qui post tot sacerdotum sententiam opinioni suae aliquid tractandum relinquit. Extrema quippe dementia est, in medio & perspicuo die commentitium lumen inquirere; quisquis enim post veritatem repertam aliquid ulterius discutit, mendacium querit; nam injuriam facit iudicio religiosissime Synodi, si quis semel iudicata, ac recte disposita, revolvere, & publice disputare contendit, &c. Videatur etiam Lex 4. C. de summa Trinitate.



§. III.

Quando haec questio de superioritate Concilii supra Pontificem agitari coepit, & quas ob causas?

Summaria.

1. Origo hujus Questionis ex schismate nata, & partim à Catholicis in Conciliis Parisiensi, Pisano, Constantinopolitano, Basileensi producta, partim à Lutheranis.
2. Sed varias ob causas, aliis publicum, aliis privatam lucrum spectantibus.

I.



libenter in rerum causas inquiremus, ea enim agendi ratio jam passim inolevit, ut aliud homines ostendant, aliud agant, pulcherrimam rerum faciem foedissimoque recessu, & cortice plerumque oculos fallente. Qui Concilium Pontifici Max. praefereunt, Religionem, correctionem abusu, fidei causam, & alia multa dictu audituque pulcherrima praetextunt; sed an ex vero, à principiis ipsis intellige.

Viderat huic quaestioni initium occasionemque in primis dedisse obstinatum illud schisma, quod post mortem Gregorii XI.

Na 2

Anno